



Økonomi- og Personalestyrelsen

Aningaasaqarnermut Sulisoqarnermullu Aqutsisoqarfik

Inatsisartunut ilaasortaq Randi Vetsergaard
Demokraatit

Sulisussarsiortarfiup sulig.gl-ip atorreqarnera pillugu § 37 naapertorlugu apeqqutitut akissutit.

Inatsisartut suleriaasianni § 37 naapertorlugu apeqqutinnut Naalakkersuisut qujapput.

Sulig.gl pillugu paasissutissat Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmit pissarsiarineqarsimmata uanga akissuteqarnissara innersuussutigineqarsimavoq.

Apeqqutigisatit taakkunungalu akissutit tullinnguuttuni takuneqarsinnaallutillu atuarneqarsinnaapput

14-12-2017
Suliap nr. 2017 - 3465
All. nr. 6812492
Postboks 1039
3900 Nuuk
Oqarasuaat (+299) 34 50 00
All. (+299) 32 44 48
E-mail: asa@nanoq.gl
www.nanoq.gl

Aningaasaqarnermut
Sulisoqarnermullu
Aqutsisoqarfik

- 1. Sulisussarsiortarfik www.sulig.gl ukiumut ingerlannera qanoq akeqarpa?**
Akissut: Ingerlanneqarneranut ineriartortinneqarneranullu ukiumut 900.000 kr.-t aningaasartuutigineqartarput.
- 2. Namminersorlutik Oqartussat Kalaallit Nunaanni nunanilu allani tusagassiorfitsigut sulisussarsiorlutik allagarsiisarnernut ukiumut aningaasat qassit atortarpaat?**
Akissut: Namminersorlutik Oqartussani atorfiit inuttaqanngitsut sulisussatut piukkunnaatilinnut kajuminnarnerulersinniarlugit sulisussarsiorluni allagarsiisarnermut saqqummiussisarnermullu ukioq manna 3,4 mio. kr.-t missaanniittut atorreqassasut Namminersorlutik Oqartussanit naatsorsuutigineqarpoq. Tassani qitiusumik allaffeqarfik immikkoortortaqaqarfiillu taassuma ataaniittut ilaatinneqarput. Aningaasartuutigineqarsimapput 1,64 mio. kr.-t missaanniittut nunatta tusagassiorfiisigut allagarsiinernut aamma 1,76 mio. kr.-t missaanniittut nunat allamiut tusagassiorfiisigut allagarsiinernut.

3. Namminersorlutik Oqartussani qarasaasiami sulisussarsiorluni allagarsiisarnermut aningaasat qassit sipaarneqarpat?

Akissut: Namminersorlutik Oqartussat sulisussarsiorlutik allagarsiussa at tamarmik ulloq 4. november 2016 aallarnefigalugu www.suli.gl-imut ingerlaannaq ilanngunneqartalerput.

2015-imi, 2016-imi 2017-imilu sulisussarsiornermut aningaasartuutigineqarsimasut ima isikkoqarput:

Ukioq	Sulisussarsiorluni allagarsiinerit katillugit	Sulisussarsiorluni allagarsiinerimut ataatsimut aningaasartuutit
2015	582	kr. 4467
2016	599	kr. 4340
2017	700 (naatsorsuutigisatut)	kr. 4857 (naatsorsuutigisatut)

2015-imiit 2016-imut sulisussarsiorluni allagarsiinerimut ataatsimut 127 kr.-nik aningaasartuuteqalaartoqartarsimavoq. Aningaasartuutaalaartorli tamanna www.suli.gl-imut attuumatinneqarsinnaanngilaq, tassa www.suli.gl aatsaat ulloq 4. november 2016 atulerneqarmat. Aamma 2016-imiit 2017-imut sulisussarsiorluni allagarsiinerimut ataatsimut aningaasartuutigineqarsimasut 520 kr.-t missaannik qaffassimapput.

4. Namminersorlutik Oqartussat www.suli.gl-mi sulisussarsiorlutik allagarsiisarnermi saniatigut tusagassiorfinni allani allagarsiisarnernannut suna pissutaava? Naalakkersuisunut ilaangullugu akeqquneqarpoq Namminersorlutik Oqartussani atorfiit ilaat taamaallaat www.suli.gl-mi allagarsiinikkut inuttarsarsiuunneqartarnersut

Akissut: Namminersorlutik Oqartussani atorfik inuttaqanngitsoq inuttarsarsiuunneqaraangat atorfik tamatigut www.naalakkersuisut.gl aamma www.linkedin.com aqutugalugit inuttarsarsiuunneqartarpoq, tassa Namminersorlutik Oqartussani atorfiit taamaallaat www.suli.gl aqutugalugu inuttarsarsiuunneqarnej ajorput.

Atorfiit Sermitsiaq.gl aamma atorfiit aalajangersimasut tusagassiuutaat aqutugalugit inuttarsarsiuunneqartarnernannut pissutaavoq Naalakkersuisunit kissaatigineqarmat atorfiup inuttalernerneqarnissaanut piukkunnaatilippassuit sapinngisamik angullugit saqqummiussisoqartarnissaa.

5. Naalakkersuisut allagarsiilluni sulisussarsiornermut tunngatillugu allanik soqutiginarlutik paasissutissiissutissaqarnerlutik aamma www.suli.gl-mik atuinerimut tunngatillugu?

Akissut: Suliffissarsiorluni www.suli.gl-ip saqqummiunneqarnerani siunertarinerpoq nuna tamakkerlugu sulisussarsiorlunimik pilersitsinissaq, tassa suliffissarsiorlutik suliffissaqartinneqarnissaannik aamma Kalaallit Nunaanni suliffissaaleqisut sulisartullu nunanit allaneersut amerlassusaat ikilisarniarlugit nunatsinni suliffeqarfiit ataatsimut takussutissaqartinneqarnissaannik ikorfartuisussamik.

Siunnersuuteqarnermi nalilernerqarpoq sulisussarsiorluni allagarsiussat aalajangersimasunik sulialinnut sammitinneqarnissaat anguniarlugu tusagassiorfinni namminersortuni suli saqqummiunneqartassasut.

Suliffeqarfiit namminersortut sulisussarsiornerminni www.suli.gl-imik atuisarnertik paasissutissat malillugit iluarisimaarpaat. Maannamut atorfiit 301-it suliffeqarfinit namminersortuninngaanneernerusut inuttassarsiuunneqarsimapput kommuninilu atorfiit ikittuinnaat inuttassarsiuunneqarsimallutik.

Suliffissaaleqisut tamarmiusut CV-minnik nalunaarsuinissaat Majoriami sullissiviit suleqatigalugit sulissutigineqarpoq, taamaalilluni suliffeqarfiit www.suli.gl aqqutigalugu sulisussaminnik nunatsinneersunik pissarsipallannissartik qulakkiissavaat. www.suli.gl aqqutigalugu aamma Majoriami suliffissarsiuussisarfii atorfinnik inuttaqanngitsunik suliffissarsiortunut ajornannginnerusumik innersuussisinnaalissapput.

Med venlig hilsen
Inussiarnersumik inuulluaqqusillunga

Aqqaluaq B. Egede